



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

6. Quàm sit necessarium, vt qui semel Religionis iugum subijt, in eo semper perseueret.

[urn:nbn:de:hbz:466:1-47032](#)

monibus; ut qui prior inuenerit eum, morte anima eum afficiat & occidat: vel si aliquamdiu durauerit in ea, non virtutis constantia, sed pertinaci miseria, sic ei cella est quasi carcer, aut sicut viuentis sepultura. Quanta sunt ista Religiosæ habitationis commoda, quanta securitas! sed ijs qui puro & sincero leiu Christi D. N. amore semel suscepta, eodem, atque in dies inflammatiore animo persequuntur.

Quid enim? non lenta & vacillante spe, sed ipsa propè manu, ipsis oculis & auribus, futuræ vita præmia præcipiunt. Quippe illis quedam numquam obliuiscenda iucundissima Veritatis vox insonuit, quam ubi penitissimis medullis mentis hauserunt, per dura, per aspera, per quæuis confragosa cunctalacres, & laboribus vires integrant. Merces, (ita sibi quisque loquitur) merces erit operi tuo: ecce propè est, fidelis est, venit citò qui dixit;

Matth. 19.

Luc. 18.

*Apoc. 3.
Psal. 102.
Psal. 20.*

2. Tim. 1.

1. Cor. 7.

2. Cor. 6. 7.

Omnis qui reliquerit patrem, aut matrem, & fratres, aut domum, & agros propter me, centuplum accipiet, & vitam eternam possidebit. Vis etiam significantius? Nemo est qui reliquit domum, aut parentes, aut fratres propter regnum Dei, & non recipiat multò plura in hoc tempore, & in seculo futuro vitam eternam. Eritne ut mendacijs ipsa prima Veritas argui possit? eritne ut in promittendo iactantior, quam in reddendo liberalior existat? sed apage blasphemiam. Verax est, liberalis est, & in promissis maximè. Tene ergo quod habes, ut nemo accipiat coronam tuam: miserator & misericors Dominus, longanimitus & multum misericors, ille redimet de interitu vitam tuam, & coronabit te in miserationibus, preueniet te in benedictionibus, & desiderium cordis dabit tibi; & supra modum in sublimitate eternum gloriam pondus operabitur. Nihil ut Religiosis deesse videatur, nisi ut collaborantes gratia que eos liberavit, & vocavit vocatione sancta, non secundum opera eorum, sed secundum propositum Dei, & gratiam quæ data est illis in Christo Iesu, in qua vocatione vocati sunt, in ea perseverent: audiantque monentem Apostolum, Has ergo habentes reprobationes, carissimi, ne in vacuum gratiam Dei recipiatis, sed mundate vos ab omni inquinamento carnis, & spiritus perficientes sanctificationem in timore Dei.

C A P V T VI.

Quam sit necessarium, ut qui semel Religionis iugum subiit, in eo semper perseveret.

Hoc omnibus hominibus inditum est à natura iudicium, ut eo turpiorem putent ad inferiora descensum, quo gloriolor fuerat ad superiora conscientis: imbellis enim, omnino que imbecillimi, nec sibi satis constantis animi est, si ab eo gradu quem semel occupasti, quemque solapotes voluntate retinere, delici te inerti terrore patiaris. Idque locum habet maximè, in rebus cistis

quaæ

quæ deliberantur diu, & quæ maioris ad vitæ summam momenti sunt, semelque statuuntur: quippe h̄c omnis aberratio periculosior, probrosior inconstantia, effeminatior, viroque indignior ignauia. Quibus ē causis alijs quæ passim afferentur, fieri puto ut communī Christiani populi sensu, grauissima putetur ignominia nota, in Religionē vixisse, nec viuere: nec usquam credunt fore bonos, qui in tali sanctorum societate nequaquam boni esse potuere. Accedit ut rei optimæ sit corruptio pessima, & retrimenta puridissima: quæ ardens lucerna delectat, extincta terrius exhalat: ē lucidissimi angelis, tenebris fissimi dæmones: fermeque id hominum genus est pessimum, quod in melleis sanctæ Religionis fauis, venenato defectionis felle potuit in amare scire: quanto pere putas ambitione, libidine sacerdotique vitijs in sæculo scatebunt; qui non tantum ea in Religionē numquam deponere, sed potius eapropter Religionem ponere voluerunt?

Sed quoniam fortiter & eleganter, in aureis de Bono status Religiosi libris, hoc ipsum argumentum P. Platū edidisse; actum non agam, ad illum remittam in epilogo ad Religiosos, ut viro tanto sua laus integra maneat, & nonnemini fortassis incitamento sit ad totum illum à capite ad calcem sedulò voluntandum. Id vnum ex eo obseruatū velim, firmis & varijs probationibus sic argumentum ab eo probari, ut frequenter & aperte, in eandem naufragantis propositi tabulam, compingat eum qui Religiosi instituti susceptionem voto firmauit, & qui nondum quidem firmauit, at firmaturus accessit. Verè etenim ab eadem inconstantis animi labore, ab amore rerum vanarum, à superbiæ tumore, à languore nimio spiritus, à neglectu salutis eternæ, à sanctæ perfectionis contemtu, ab ingratu in Deum animo, exoritur omnis illa à suscepti status perpetuate defectio. Indeq; sit iustissimum esse, vt & iisdem pœnis vrgantur, & eadem Dei contemtione (quo malo quid lamentabilius singi porest?) utrique negligantur. Sed huius rei causam ab ipsis mox fundamentis, ubi de vocationis amore agetur, arcessimus: nunc ad cætera pergendum.

CAPUT VII.

Qui sint perseveraturi: & quād incerta sit Perseverantia.

ET quidem id potissimum quærendum occurrit, Qui sint perseveraturi. Excitantur hac interrogatione studia, audiæq; mentes ut respondeatur: certè, affirmare nil verebor, perseveraturos eos qui suos ad huius libri præscriptum mores composuerint. Quod quia breuiter, distinctè, dilucidè (multis enim confitat partibus) non nisi per cursus omnibus dici potest: dicamus magis, Quād & cur incerta sit perseverantia.